



Bildu Hernanik prentsurrekoa eman zuen atzo Udaletxeko Areto Nagusian.

BILDU HERNANI PLATAFORMA

“Ezkerreko abertzaleek urteetan egin duten lana bildu nahi dugu, eta norabide berria eman”

■ Plataformak azaldu du “borondate argia” duela Udal Hauteskundeetan aurkezteko ■ Herriko elkarte eta taldeekin elkarrekin lan egitea da Bildu Hernaniren planteamendua ■ Apirilean firma bilketa egingo du.

BILDU Hernani plataformak prentsurrekoa eman zuen atzo, eta plataforma berriaren oinarriak eta aurrera begirako helburu nagusiak azaldu zituzten Agustin Ezpondak eta Nekane Igarrik. *Bildu Hernani* azaldu du bere burua hauteskundeetan aurkeztuko duela eta urteetan herrian izan den ezkerreko tradizio abertzalea biltzen saiatuko dela.

Agustin Ezpondak adierazi zuen Bildu Hernani proiektu ilusionantea dela, eta atzetik jende askoren babesa duela.

Alderdien Lege berria dela-eta plataformak hauteskundeetan ateratzeko aukerarik izango duen galdetuta, Ezpondak zalantzak ditu. Bere ustez, legea oso zabala da, eta ez du zehatz argitzen kontinuitate kontzeptua. Gainera, Ezpondak ez du baz-

tertu legea segun eta zein herritan modu ezberdinean aplikatuko dutenik ere.

Indarrak bildu

Bildu Hernani otsailaren 21ean egin zuen aurkezpen publikoa jende aurrean eta Nekane Igarrik irakurritako komunikatuaren esanetan, indarrak biltzea eta norabide batean bideratzea da aurrera egiteko modu bakarra, “Euskal Herri osoak bizi duen salbuespen egoeraren aurrean eta etengabeko erasoaren aurrean”.

Bildu Hernanik kaleratu duen adierazpenak dio gaurko Hernani ezin liteekela ulertu ezkerreko abertzaleek urteetan egindako lana eta aportazioa kontuan hartu gabe. Horrela, orain arte egindako lana nabarmendu du, bai hirigintzan herriko interesak defenditzen, bai

FIRMA BILKETA

‘Bildu Hernani’ apirilean hasiko da plataforma elektoralera osatzeko behar diren firmak biltzen. Plataforma horren botante izan litezkeen firma ez ezik, ‘Bildu Hernani’ saiatuko da beste sektoreetako babesa ere bilatzen: abertzale eta ezkerretarren ordezkariak elektoralera behar duela uste duten sektoreen firmak ere bildu nahi ditu plataformak.

herriko gazteen beharrak aztertu eta konponbideak bilatzen, hezkuntzan, errepresaliatuen aldeko ekimenean, komertzio txikiaren alde, herriko edadetuenen bizi baldintzak zaintzen eta abar. Aurrera begira ere zer egin asko dagoela-eta, *Bildu Hernani* esan du aurreko lan hori bildu eta norabide berria eman nahi diola.

Firma bilketa apirilean

Maiatzeko hauteskundeetara begira, Bildu Hernanik firma bilketa egingo du apirilean. Firma bilketa, batetik, plataforma elektoralera sortzeko izango da, baina, *Bildu Hernani* beste sektoreen babesa ere bilatuko du. Bildu Hernaniren asmoa da ezkerreko abertzaleek beren errepresentazio politikoa izan behar dutela sinisten duten sektoreen babesa ere lortzea. □

Erditzea eta jaiotzeari buruzko hitzaldia

OSASUNARI buruz hitzaldiak izango dira astean zehar Andragoton. Gaur erditzea eta jaiotzari buruz hitz egingo du Kristina Aznarrek. Kristina Aznar ginekologoa, psikoterapeuta Reichiarra eta *Etxean Jaio* taldeko kidea da. Hitzaldia arratsaldeko 20:30etan da. □

ZINE KLUBA

‘La Cuadrilla’ gaur

KULTURA Sailak antolatutako zineklubaren barruan, La Cuadrilla filmea botako dute gaur 22:00etan Biterin. □

MAHAI INGURUA BITERIN

‘Hala bazan ez bazan emakumea plazan’

BERDINTASUN sailak antolatuta mahai ingurua dago gaur Biterin. Bost lagunek hitz egingo dute bakoitzak gai bati buruz: feminismoaren historia, hezkuntza aukeraketan gazteek hartzen dituzten rolak, *Emakumeak Hernanin* azterketa, emakumea kontsumoa eta gerra eta gerrako anegdotak. Gaur 20:00etan Biterin. □

AUTODETERMINAZIORAKO BILGUNEA

Manifestazioa bihar Hernanin

AuB-k mobilizazioak deitu ditu bihar eta etzirako *Euskal Herria aurrera* lemarekin. Bihar manifestazioa izango da Hernanin, 20:00etan plazan eta larunbatean manifestazio nazionala 17:30etan Bilbon. Hernanitik autobusak aterako dira 15:30etan. Txartelak Garinen daude salgai. □

ZINGI-ZANGA
Jatetxea
Eguneko menuak
Asteburuan afariak
Oilaskoak eramateko
Florida 54
Tel: 943 33 03 97

YONE
boutique
UDABERRI UDAKO
denboraldia hasi dugu.
Gustatuko zaizu.
Nagusia 63 (Hernani)
Hipodromo etorb. (Lasarte)

OIALUME ZAR SAGARDOTEGIA
OIALUME ZAR SAGARDOTEGIA
Astearretik larunbatera zabalik.
943 55 29 38
OIALUME AZOIA

GALARRETA OLARZAR
FRONTOIA
Ostegun, larunbat eta igandetan jaialdiak
GAUR 16:00ETATIK AURRERA ERREMONTE JAIALDIA:
1. partidua: Iturralde - Olazar / Larrea - Urrutia
2. partidua: Ezkurra - Urretabizkaia II / Zeberio II - Lizaso
3. partidua: Bereziartua - Etxabe / Elizalde - Iriarte
4. partidua: Sarasua - Lander / Iribarren - Etxeberria II

■ FUTBOLA -GORENGO MAILA

Jon Loraneke entrenadore kargua utzi du, emaitza txarrak direla eta

■ Ordezkoa Gorka Eskisabel izango da, iaz Beasaingo 2garren entrenadorea zena ■ Hernani 16garren dioa 31 punturekin, 10 partiduren faltan.

LEHENGO asteburuan Pasajes liderraren kontra 8-0 galdu ondoren entrenadore kargua uzteko erabakia hartu du Jon Loraneke. Hernanik esperantza haundiarekin hasi zuen aurtengo denboraldia, baina, joko puntuak eta zorteak ez diote lagundu eta sailkapeneko 16garren postuan da. Hernanik 28 partidu jokatu ditu orain artekoan: 8 irabazi, 7 bedindu eta 13 galdu ditu.

Gorka Eskisabel

Gorka Eskisabel alegiarrak hartu du taldea zulotik ateratzeko erronka. Eskisabel Beasaingo taldeko 2garren entrenatzaile izan zen iaz eta aurtengoz geldirik egon da. Denboraldia bukatzeko 10 partidu falta dira eta burua altxa eta kategoriari eustea izango da helburua. Jon Loraneke entrenadore kargua utzi arren klubean lanean segiko duela esan du.

Datorren asteburuan etxean jokatuko du Hernanik, eta entrenadore berriarekin lehenengo azterketa zaila gainditu beharko du Elgoibarren kontra. Iaz bigarren egin zuen Elgoibarrek eta aurtengoz ere goiko postuetan dabil. □



Jon Loran partidu bat jarraitzen, bankillean.

ESKOLA KIROLA ASTEBURUKO EMAITZAK



Mendi martxako bi ume Txurianeko zubia pasatzen.

Saskibaloia	Taldeak	Emaitzak
Benjam inak 4	E lizabto B -E lizabto A	3-1
Benjam inak 4	Im aculada -Langile B	1-3
Benjam inak 4	Langile A -Urum ea	1-3
Benjam inak 3	Langile A -E lizabto A	1-1
Benjam inak 3	Langile B -Urum ea	1-2
Benjam inak 3	E lizabto B -Langile C	3-1
Infantilak	Langile -San Ignacib A	37-30
Futbol sala	Taldeak	Emaitzak
Infantilak	Langile -M *Auxiliadon	1-5
Futbola		
A lehin neskak	E lizabto -Urum ea	11-2
A lehin mutilak	Urum ea B -Langile B	1-10
A lehin mutilak	Urum ea A -Langile A	6-3
A lehin mutilak	E lizabto B -Im aculada	4-2
A lehin mutilak	Langile C -E lizabto A	8-9
W aterpolo		
Infantilak	Urum ea -Langile	1-1
Kadeteak	M ogelBasi -Langile	0-3

Eskualdeko laurhun eta gehiago umek parte hartu zuten mendi martxan

JOAN den larunbatean umeentzako mendi martxa antolatu zuten Gipuzkoako 4 herritan. Hernanira Tolosaldeko eta Donostialdeko umeak etorri ziren. Mendi martxa umeentzako zen, baina, helduak ere ibili ziren laguntzen eta bidea erakusten, eta 9 kilometro inguruko bidea egin zuten. Irteera goizeko 08:45etan izan zen, lehenengoak 12:00etan iritsi ziren eta azkenak 13:00etan. Guztira 700 lagun inguru izan ziren: 400 eta gehiago umeak eta gainerakoak helduak. Martxa hauek Gipuzkoako Mendi Elkartek bultzatzen ditu eta Hernaniko ibilbidea eta antolakuntza Mendiriz Mendi elkartean esku gelditu da. □

■ HITZ BITAN

✓ MAHAITENISA

Hernani-Easok 4-0 galdu zuen. Hernani-Easok 4-0 galdu zuen Herri Txantrearen kontra, Espainiako lehenengo mailan. Hernani-Eason Zuhaitz Irastortza eta Aitor Bereziartuak jokatu zuten, Gorka Gereñurekin batera, eta nafarrek ez zieten ezertarako aukerarik eman. Hernani-Easok dagoenako galdu ditu mailari eusteko aukera guztiak. Bestalde, Liga autonomikoan Hernani-Easok 4-2 irabazi zuen Gure Talde bizkaitarraren kontra, eta liga irabazteko aukera dute hernaniarrek. Horretaz gain, Cantabrian autonomia arteko torneo jokatu zen eta Aitor Mitxelenak txapela lortu zuen jubeniletan.

✓ BOLA

Ugalde hirugarren, Erregularitatean. Hernaniarrak geroz eta hobeto ari dira bolako Erregularitate txapelketan. Joxe Ugalde hirugarren postuan jarri da klasifikazioan, aurrenekoetik brila bakarrera. Horretaz gain, hamar aurrenekoetan, beste bi hernaniar ere badaude: Burugain 7garren, 4 briletara eta Ibon Miner 10garren, 5 briletara. Joan den asteburuko tiraldian, Ategorrietan, Ibon Miner eta Burugain 3 eta 4garren gelditu ziren hain zuzen ere. Biek 47na brila bota zituzten, txapel-dunak baino bakarra gutxiago. Hurrena, Mutiloan.

✓ BOLEIBOLA

Hernaniko taldeek irabazi egin zuten. Asteburuan emaitza onak izan dira Hernaniko boleibolarentzat. Kadeteetan, Langile-Hernanik 3-0 irabazi zuen Izukaitz Fortuna donostiarraren kontra. Ligako azken partidua zen eta Alai Zubimendik zuzentzen duen taldea bigarren postuan gelditu da. Jubeniletan, berriz, Zarauzko Lizardiren kontra jokatu zuen Hernanik, eta 0-3 irabazi zuten hernaniarrek.

✓ HIRIGINTZA BATZORDEA

Etxeak Antziolan. Hirigintza batzordea bilduko da gaur Udaletxean, arratsaldeko 19:00etan. Sei puntu eztabaidatuko dituzte. Puntuetako bi dira Antziolan, Montes larru-lantegia zegoeneko horretan, etxeak egiteko baimen eskaerak. Etxeetatik 14 babes ofizialekoak izango dira eta beste 18 etxe-ak promozio pribatukoak.

✓ KORRIKA KULTURALA

Asisko Urmenetaren hitzaldia gaur. Korrika 13ren bueltan ekintzak antolatzen ari da AEK. Gaur Asisko Urmeneta iruñar marrazkilariak kale hizkerarekin jolasean hitzaldia emango du. Hitzaldia Biterin izango da arratsaldeko 20:00etan. □

ZERBITZUAK

☎ TELEFONOAK

- ☛ Taxiak: 943 550093
- ☛ Udaltzaingoa: 943 333288
- ☛ DYA: 943 464622
- ☛ Autobusak: 943 556662
- ☛ Anbulatorioa: 943 006666
- ☛ Jokalari anonimoak: 943 331103

☎ FARMAZIAK

- ☛ Egunez: Gomez Kale Nagusia 14 ☎ 943 554892
- ☛ Gaeuz: Atxa-Orbea Lasarte. Hipodromo 6 ☎ 943 363549

IRAGARKI MERKEAK

Neska bat behar dugu umeak zaintzeko, 8:00etatik 17:00etara. Deitu: **943 55 37 66** (Arratsaldeko 20:00etatik aurrera)

Pertsona bat behar da umeak zaintzeko. Deitu: **943 33 30 56 - 656 73 55 12**

Eguneroko menuak serbitzeko neska euskaldun bat nahi genuke, astelehenetik ostiralera. Hernanin bertan. Deitu: **615 74 17 99**.

Emakume batek etxeko lanak egingo lituzke goizetan. (Informe eta erreferentziak). Deitu: **699 14 92 85**

LAGUNTAILEA, agentea edo Justizi-ofiziala. Laster deialdiak. Euskal Herriko Auzitegietan lana. ADOZek informatzen du: **943 44 45 09**

AIREPORTUAN KONTROLATZAILEAK. AENaren deialdiak udaletan. Eskakizuna: Diplomatu edo lizentziatua. Erdi mailako ingelera. ADOZek informatzen du: **943 44 45 09**

GIDA-ESKOLA IRAKASLEA. Langabeziarik gabeko lanbide baten lana. Diru-sarrera oparoak. Presta zaitetz. ADOZek informatzen du: **943 44 45 09**

BASOZAINA. Euskal Herriko parke eta Natur Babeguneetan lan egiteko. Eskakizuna: Eskola Graduatua. Presta zaitetz. ADOZek informatzen du: **943 44 45 09**

SUHILTAILEAK. Euskal Herriko parkeetan egin ezazu lan. Lan-baldintza ezin hobekak. Betebeharrak: Eskola Graduatua. ADOZek informatzen du: **943 44 45 09**

GARRAIOLARIA. Garraiolari profesional izateko gaitze-titulua lor ezazu ADOZek informatzen du: **943 44 45 09**

ADMINISTRARI laguntzaileak. Laster deialdiak zenbait udaletan. Eskakizuna: Eskola Graduatua. ADOZek informatzen du: **943 44 45 09**

UDALTZAINA bertako udaletan lan egiteko. Deialdiak laster. eskakizuna: Eskola Graduatua. Presta zaitetz. ADOZ **943 44 45 09**

LIBURUTEGI laguntzailea zenbait udaletan. Laster deialdiak. ADOZek informatzen du: **943 44 45 09**

ADMINISTRARIAK (teknikoak zein laguntzaileak). Bertako udaletan deialdiak zabalik. ADOZek informatzen du: **943 44 45 09**

GIDARIAK, elektrikariak, kontserjeak, langileak... Bertako udaletan subalterno bezala lan egiteko. ADOZek informatzen du: **943 44 45 09**